



## Räblys – Rieche

# s'Kätzli oder s'Chatzetheater

Katzemuseum, oder Chätzlihuus, als Basler kunsch  
hyt nimme druss.

Waisch nit wotsch uff Rieche deert an dr Baslerstroos,  
oder gosch lieber z'Basel an d'Brantgass,  
denn deert isch au immer ebbis los.

Wo's-di-au hi-zieht, de muesch di gar nit ebbe  
do scheniere,  
am Beschte isch's wenn-de an beide Ort z'erscht  
duesch telefoniere.

Z'mitt's im-me scheene Park stoht das Museumshuus  
und dass es nit verfähle duesch, kunnsch druss,  
stehn deert am Igang zwai schwarzi Kater-Silhouette,  
im Chätzlihuus do brenne rooti Liechtli,  
dass d'Lyt au wisse wo-sy-ine sette.

s'goth i-und-us wie imme Bienehuus perseeh,  
z'Rieche syg's no im afangs-Stadium,  
drum kasch deert leider nit-e-mole d'Helfti g'seh.

s'Hänn unsri Katze kai Naturinstinggt meh,  
wo-sy-zwingt zum Muuse,  
di bi-de roote Liechtli hänn-en-no, die wänn-e-kain  
zum pfuuse.

In-e-me Keerbli scheen verpaggt bringsch du di  
Liebling zum kaschtriere,  
de-mit-er z'Nacht nimm rammle duet und nimme mues  
an Ranze friere.

Im Amslehuus do hänn-si's nit so gärn,  
kaschtrierte Kater blybe bi-ine nämlig färn.

Mit Biggse-Fleisch und weiss-dr-Gugger no-mit-wie  
vyl Sache,

duet-me-die Büsi alli zämme ybergwichtig mache.

Vo Kondition kai Spur und au kai Kraft,  
sy sinn so fuul und s'fählt-e-ne dr letschti Saft,  
sy schlyche uss dr Kuchi nur in's Zimmer und-i-mach  
e Wett,

wenn's hoch kunnt längt's no grad mit e-me Satz  
uff's Bett.

s'Bett spielt au-e-grossi Rolle by-de Horizontale,  
do derf Ain fett und fuul sy, wenn er nur ka zahle.

Fyr Büsi duet me wirgglig alles, dass si s'Läbe  
kenne g'niesse,

dorum hett um's veregge au-e-Museum ane miesse.

Die wisse, schwarze, graue oder gscheckte Katze aber  
die sehn root,

ob lieb und brav bisch, wenn'd im Museum landisch  
bisch doch tot.

Es sotte halt vo Rieche die Museumsheere,  
wie-me-e Chatzehuus duet fiehre an dr Brantgass lehre.

---

Am Fasnachts-Zyschtig und Mittwuche de morge goht  
me — wie allewyle — in d'Ladäärne-Uustellig in der  
Muschtermäss.

---